

Pregled Dokumentata| Broj  
35/24

Početna (/) / Dokumenti (/Docs/) / Službene novine Federacije BiH (/Docs/Drzavni)  
/ Dokumenti pregled

# Službene novine Federacije BiH, broj 35/24

Na osnovu člana 66. stav 3. Zakona o profesionalnoj rehabilitaciji, osposobljavanju i zapošljavanju osoba sa invaliditetom ("Službene novine Federacije BiH", broj 9/10), federalni ministar rada i socijalne politike donosi

## PRAVILNIK

### **O DOPUNAMA PRAVILNIKA O SADRŽAJU I NAČINU PROVOĐENJA NADZORA NAD ZAKONITOŠĆU RADA, OPĆIH AKATA I STRUČNOG RADA USTANOVA, PRIVREDNIH DRUŠTAVA, ZAŠTITNIH RADIONICA I RADNOG CENTRA**

#### Član 1.

U Pravilniku o sadržaju i načinu provođenja nadzora nad zakonitošću rada, općih akata i stručnog rada ustanova, privrednih društava, zaštitnih radionica i radnog centra ("Službene novine Federacije BiH", broj 21/11), u članu 1. iza zatvorene zagrade dodaju se riječi: "te sadržaj i način provođenja nadzora nad zakonitošću rada privrednih društava za zapošljavanje osoba sa invaliditetom u dijelu nadzora nad kontinuitetom u ispunjavanju uvjeta za zadržavanje statusa privrednog društva za zapošljavanje osoba sa invaliditetom".

#### Član 2.

Iza člana 2. dodaju se novi čl. 2a. i 2b. koji glase:

"Član 2a.

- (1) Nadzor nad zakonitošću rada privrednih društava kojima je u skladu sa Zakonom o profesionalnoj rehabilitaciji, osposobljavanju i zapošljavanju osoba sa invaliditetom priznat status privrednih društava za zapošljavanje osoba sa invaliditetom vrši komisija koju imenuje federalni ministar rada i socijalne politike (u daljem tekstu: ministar).
- (2) Nadzor iz stava (1) ovog člana obuhvata nadzor nad kontinuitetom u ispunjavanju uvjeta za zadržavanje statusa privrednog društva za zapošljavanje osoba sa invaliditetom.
- (3) Komisija iz stava (1) ovog člana će najmanje jednom godišnje izvršiti nadzor nad ispunjavanjem uslova predviđenih Zakonom o profesionalnoj rehabilitaciji, osposobljavanju i zapošljavanju osoba sa invaliditetom svih privrednih društava koja su stekla status privrednih društava za zapošljavanje osoba sa invaliditetom.
- (4) Po izvršenom nadzoru komisija sastavlja zapisnik koji dostavlja ministru.

### **Član 2b.**

- (1) U svrhu dokazivanja kontinuiteta u ispunjavanju uvjeta iz člana 2a. stav (2) ovog pravilnika, privredno društvo kojem je utvrđen status privrednog društva za zapošljavanje osoba sa invaliditetom dužno je FMRSP na početku svake godine, a najkasnije do 15. januara dostaviti sljedeće dokaze:
- a) Aktuelni izvod iz sudskog registra ili izjavu lica ovlaštenog za predstavljanje i zastupanje, ukoliko nije bilo promjena u odnosu na podatke iz aktuelnog izvoda iz sudskog registra dostavljenog uz zahtjev za utvrđivanje statusa privrednog društva za zapošljavanje osoba sa invaliditetom,
  - b) Akt o unutrašnjoj organizaciji i sistematizaciji radnih mjesta ili izjavu lica ovlaštenog za predstavljanje i zastupanje ukoliko od utvrđivanja nije bilo promjena u pogledu akta o unutrašnjoj organizaciji i sistematizaciji radnih mjesta dostavljenog uz zahtjev za utvrđivanje statusa privrednog društva za zapošljavanje osoba sa invaliditetom,
  - c) Aktuelnu listu osiguranih lica za obveznika, izdatu od strane nadležne porezne ispostave ne stariju od 15 dana, ukoliko društvo ima registrovane podružnice dostavlja i aktuelne liste osiguranih lica za obveznika za svaku registrovanu podružnicu,
  - d) Spisak osoba sa invaliditetom koji su zaposleni u privrednom društvu, odnosno ugovore o radu, obrasce prijave osiguranja JS3100 i dokaze o invaliditetu, ukoliko je od utvrđivanja statusa privrednog društva za zapošljavanje osoba sa invaliditetom došlo do promjene u pogledu osoba sa invaliditetom,
  - e) Ljekarska uvjerenja kojim se potvrđuje da zdravstveno stanje i psihofizičke sposobnosti zaposlenih osoba sa invaliditetom odgovaraju uvjetima rada i zahtjevima radnog mjesta, a koje izdaje odjeljenje za medicinu rada i zdravstvenu zaštitu radnika ovlaštene zdravstvene ustanove,
  - f) Opći akt privrednog društva donesen u skladu sa važećim propisima iz oblasti radnih odnosa koji se odnosi na obavljanje poslova od kuće, ukoliko osobe sa invaliditetom poslove za koje su zaključili ugovore o radu obavljaju od kuće,
  - g) Izjavu lica ovlaštenog za predstavljanje i zastupanje o učešću radnih mjesta na koja su raspoređene osobe sa invaliditetom u ukupnom procesu rada koji se odvija u

privrednom društvu,

h) Ovjerene pojedinačne izjave svih zaposlenih osoba sa invaliditetom date pod punom krivičnom i materijalnom odgovornošću kojom osoba sa invaliditetom potvrđuje da faktički obavlja poslove iz ugovora o radu, da joj poslodavac daje poslove i da na dnevnom nivou obavlja poslove i zadatke koje joj daje poslodavac, sa opisom načina obavljanja poslova, rezultata rada i sl.

(2) Privredno društvo za zapošljavanje osoba sa invaliditetom dužno je FMRSP i prije isteka roka iz stava (1) ovog člana, odmah po nastanku promjene, prijaviti svaku promjenu u pogledu ispunjavanja uvjeta za zadržavanje statusa privrednog društva za zapošljavanje osoba sa invaliditetom, kao i svaku promjenu u pogledu dokumentacije iz stava (1) ovog člana, te dostaviti odgovarajući dokaz iz stava (1) ovog člana o nastaloj promjeni.

(3) Izuzetno od stava (1) ovog člana, FMRSP može provesti nadzor nad zakonitošću rada privrednog društva kojem je utvrđen status privrednog društva za zapošljavanje osoba sa invaliditetom i prije isteka roka iz stava (1) ovog člana, ukoliko po prijavama fizičkih ili pravnih lica ili na drugi način dođe do saznanja o postojanju okolnosti koje utiču na kontinuitet u ispunjavanju uvjeta za zadržavanje statusa privrednog društva za zapošljavanje osoba sa invaliditetom.

(4) U vršenju postupka nadzora nad zakonitošću rada iz st. (1) i (3) ovog člana FMRSP može zatražiti odgovarajuće informacije, odnosno uputiti zahtjeve za nadležno postupanje Fondu za profesionalnu rehabilitaciju i zapošljavanje osoba sa invaliditetom (u daljem tekstu: Fond), inspekcijama rada i drugim nadležnim organima.

(5) Ukoliko se u postupku nadzora iz člana 2a. stav (2) ovog pravilnika utvrdi da su nastupile promjene koje utiču na status privrednog društva za zapošljavanje osoba sa invaliditetom, odnosno ukoliko je privredno društvo prestalo da ispunjava te uvjete, FMRSP će donijeti rješenje o ukidanju statusa privrednog društva za zapošljavanje osoba sa invaliditetom."

### **Član 3.**

U članu 4. iza riječi "Nadzor" dodaju se riječi "nad stručnim radom".

### **Član 4.**

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj 06-02/8-808/11  
06. maja 2024. godine  
Sarajevo

**Adnan Delić, s. r.**

Hvala što ste naš pretplatnik. Koristite pogodnosti koje dobijate pretplatom.

## O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

## Adresa

Džemala Bijedića 39/III  
71000 Sarajevo  
Bosna i Hercegovina  
Email: sllist@sllist.ba  
(mailto:sllist@sllist.ba)

## Kontakti

### Centrala

Tel: 033/722-030  
Email (mailto:info@sllist.ba)

### Uredništvo

Tel: 033/722-038  
Email (mailto:urednistvo@sllist.ba)

### Pravna služba

Tel: 033/722-051  
Email (mailto:info@sllist.ba)

### Računovodstvo

Tel: 033/722-045, Fax: 033/722-046  
Email  
(mailto:racunovodstvo@sllist.ba)

### Pretplata

Tel: 033/722-054  
Email (mailto:pretplata@sllist.ba)

### Ekspedit

Tel: 033/722-041  
Email (mailto:info@sllist.ba)

### Prodaja

Tel: 033/722-079  
**Oglasni odjel** Email (mailto:info@sllist.ba)

### odjel

Tel: 033/722-049 i 033/722-050, Fax:  
033/722-074  
Email (mailto:oglas@sllist.ba)

### Tehnički sekretar

Tel: 033/722-061, Fax: 033/722-064

### Ured direktora

Tel: 033/722-061

### Komercijala

Tel: 033/722-042

2014 © JP NIO Službeni list Bosne i Hercegovine. Sva Prava Pridržana.